

docriver 文川网  
古籍书城  
入驻商家  
获取更多电子书  
在文川网搜索古籍书城

中國方志叢書·華中地方·第三六三號

據

民國劉子敬等修，賀維翰等纂  
民國二十一年鉛印本


影印

四川省

# 萬源縣志

(一)

成文出版社有限公司印行



K-29  
1-8  
372

中國方志叢書·華中地方·第三六三號

據

民國劉子敬等修，賀維翰等纂  
民國二十一年鉛印本


影印

四川省

# 萬源縣志

(二)

成文出版社有限公司印行



\*10106082\*

中國方志叢書·華中地方·第三六三號

據

民國劉子敬等修，賀維翰等纂  
民國二十一年鉛印本


影印

四川省

# 萬源縣志

(三)

成文出版社有限公司印行



docsriver 文川网  
入驻商家 古籍书城

在文川网搜索古籍书城 获取更多电子书

中國方志叢書·華中地方·第三六三號

據

民國劉子敬等修，賀維翰等纂  
民國二十一年鉛印本


影印

四川省

# 萬源縣志

(四)

成文出版社有限公司印行



中華民國六十五年

月壹一版

# 萬源縣志

全四册

發行人：黃成助

出版者：成文出版社有限公司

台北市郵政信箱二二六〇五號  
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

萬源縣志

民國廿一年  
壬申冬大  
印務局代印



序

辛未夏五余適被萬源縣劉縣長子敬聘修縣志又經廖司令  
兩辰函電交促乃於八月首途九月抵萬至則志局已開同事  
諸友已分類認定從事編輯矣先是局長李君柱人龐君鸞雛  
列舉三十事多派採訪又徵集新舊志數十種故得有所藉手  
就中以光緒十九年知縣楊同士先生所撰太平縣志以後皆稱舊志  
爲最切引用舍館定余乃循其途輒玩其義例參以近四十年  
人事之變遷風俗之移易周諏旁稽斟酌損益是者仍之略者  
補之渾涵者分析之不合者更張之討論究竟乃分門十分類  
五十有九曰輿地曰食貨曰選舉此與舊志同者也曰營建舊  
多屬輿地曰官政舊爲職官與武備曰教育舊爲學校曰史事  
舊爲雜類此名不同而實同者也曰藝文舊志多錄外籍茲則

專錄本籍此名同而實不同者也曰民治專述法團及團務此則例以義起不但舊志無之而亦各縣志之所無者也更就類目言之如人物列女舊志統敘此則分人物爲義勇孝友才能義行學行文苑藝術隱逸駐寓仙釋凡十類分列女爲節烈節孝節婦孝婦孝女貞烈貞女賢母合耆壽男女並志凡九類忠義舊自爲類是矣又細分外籍本籍與在外殉難而三非好爲其難也蓋必如是而後羣分類合犖然有當於人心其他蓋難以更僕數體例既定諸友分途程功余不過總其成而已至實地測量精細繪圖則閣君柏序專門家之任也改正山脈疆域道里多借助之舊志者斯志之源起也三十四目皆有小序以見意今具列卷首不忘前勞並示由來斯志分類太多乃僅於十門各爲之序亦以見類列之非偶然若云釐正體裁發明義

例成專家之著述則吾豈敢

中華民國二十一年一月天彭賀維翰謹述於萬源縣修志局

高浪集卷之二

序

大小巴山爲吾蜀兩大山脈第二系之名山自北嶺米倉東南行蜿蜒磅礴於江漢之間者二千餘里插天益高入地益厚始蒙梁而極變巫森然爲天下雄其間列縣十餘而萬源爲最形勝故萬源跨巴山之麓北枕漢江南帶渠河高屋建瓴險塞四固當其無事則秔稻之美芋麥之利煤鐵之富蠶桑茶耳梗楠杞梓竹箭之材龍蛇之神巫醫夏畦之鬼虎豹熊羆翡翠羣翟之文章隨所恣而自足及其有事也一夫荷戟而川鄂秦豫之門戶無敢闕故額經略以之捍災勒制軍因而定亂所謂蔚然一山國而天然一隕區者蓋吾川東北隅之屏藩也至其靈氣所鍾發而爲魁傑之才編氓之秀者則忠貞如張武壯英猛如馬軍門循良如楊芳張晴嵐孝友如李璞張懋致義行耆德如

周德庸龐之舉文學如賴春山張明徵高亮如張雲衢劉玉書  
節烈如陳遵還袁長寬王作梅項烈女其他貞女節婦賢母淑  
媛孝子順孫與夫一藝之材一行之士仙人釋子方技恢譎之  
觀蓋難更僕數矣然而自前明設縣以來迄今垂五百載而其  
人若皆湮沒而無聞於世也者何哉無志焉以紀之也無志焉  
以紀之則前乎此者無可徵後乎此者無所法將何以傳之父  
老詔之子弟正人心厚風俗弼教化而塞亂源乎無惑乎教匪  
梟率姦同享毒禍根伏共產滋星火燎原以糜爛乎地方也余  
來綏籌邊之暇謀所以救之亦既制行學宮崇道德敦禮讓以  
正其源矣僚友廖司令震劉知事子敬復請修志報之曰可期  
月志成請鑑定而序之余校之而歎曰茂矣美矣抑何其審也  
上自人物下至山川細之方言大之禮教罔不搜羅詳盡且使

終篇而全縣皆羅於指掌印於心目者此遵何道哉則賴有專門家實地測繪最精覈之各圖也往者桐城指抱軒病天下地志謬誤率與實舛而獨稱秦山地理志最善嘗觀今志顧何如哉雖然余有感焉夫愛國必自其鄉土始古者小學之教子弟也數方名辨方物凡以蘄愛其鄉土油然而生愛國之心也曩余東游見彼邦士夫以逮童孺負販於其國之一艸一石視如神聖珍若瓊奇竊竊焉疑之既而察其學校鄉土有專誌方物有專書乃歎其深得吾國小學垂教之古法焉而回顧宗邦乃皆棄其祖法忘根本襲皮毛倘或質以土宜無不數典忘祖顧安怪輕棄其鄉漠視其國仙仙焉無復愛惜其父母之邦乎今萬源有志矣謂宜師仿古制擇其山川人物古蹟名勝與夫文獻之遺而條節之以納諸鄉校修身歷史地理諸科使皆涵濡

礪礪於忠貞循良孝友義行耆德文學高亮節烈之楷模而培植其根砥焉則張武壯馬軍門楊芳張晴嵐李璞張懋玖周德庸應之舉賴春山張明徵張雲衢劉玉書之高風隆軌可以接踵而比肩而所稱陳遵還袁長寬王作梅項烈女與夫貞女節婦賢母淑媛孝子順孫一藝之材一行之士仙人釋子方技恢譎之觀蓋無難人喻戶曉爭自濯磨而與之齊烈也由是而奮發其魁傑之才鍛鍊其編氓之秀以專門以名家使夫秬稻之美兼岐兩實芋麥之利易種盈庾煤鐵之富冶而厚生蠶桑茶耳樛楠杞梓竹箭之材各擷其精而毋棄於地也使夫龍蛇之神皆效其靈巫醫夏畦之鬼皆革其弊虎豹熊羆翡翠鞞翟之文章皆呈其瑞而有異於人也若是乎萬源之富利日臻文明日啟人心正風俗厚教化立而亂機乃銷泯於無形以無負此




天然之曠區而完成其爲蔚然之山國也豈非是北枕漢江南帶渠河高屋建瓴跨巴山之形勝以顧盼自豪云爾哉余深願萬源士大夫一德同心而共勉之也

中華民國二十一年歲在壬申仲夏月勳一位陸軍上將崇威將軍川陝邊防督辦兼四川陸軍檢察使劉存厚序

docsriver 文川网  
入驻商家 古籍书城

在文川网搜索古籍书城 获取更多电子书



序

昔勝清名將岳鍾琪平大小金川於鋒鏑錯接之餘輒手一卷  
自遣人闕之則巖疆備覽蓋纂自省心而又益以六房之掌用  
備行軍枕秘者也余束髮受書卽雅慕岳氏爲人思髣髴其攘  
夷擴土之壯跡於萬一乃謬獲遭遇忝竊兵符深圖建立以報  
國家比奉命列戍萬源先後九載時兼撫民財兩政中經神共  
叛兵諸役四民勞於逃死兵衆瘁於戡災每值驚危震撼之秋  
亟取縣志誦之思得拯民戡亂之術然時代嬗變事物日新卽  
盜弄潢池者固異於往日斬木揭竿之倫也其事實雖不同而  
其釀亂之由初無二致儻弗及時甄錄備諸要刪則世運良窳  
之升降治亂之往跡建置官政之改革一聽其年久湮沒又將  
何以信今傳後乎會災亂旣戢年歲亦豐縣紳耆察取成案設

局纂修惟筆削需才歷久無效余既以所事適洽拙見始商諸知事劉君子敬扳延賀太史儒楷先生來總修纂先生雖德劭年高然以修志屬史職又與家兄善殷勤勸駕俯從興望始不憚勞瘁千里而來抵萬後塵土未摺遽勤鉛槧削之正之危限而全稿蕝業余受讀之審其彰忠闡孝糾敝扶俗匡正人心別具卓見固隱然國史流亞豈媿爲地理志者所能望其肩背哉夫志訓記也積記往事以開新猷今國事阨危亟矣若策抗侮之方當以人心是賴而涵育人心非熟諳舊聞無以啟發新機則志之爲功又寧僅祇助行軍之枕秘也耶惟二三君子問援章實齋政略例舉余淺薄行能著諸篇章當此是非混淆之際能召裘揚卽有冒毀求全不虞古訓昭昭弟蘄後來讀志者但徵逸聞毋涉評騭則斯志固可媲美於朝邑武功矣簡陽雨

辰廖震序於萬源軍次

萬原縣志卷首

七

大中印務局代印

日本書紀卷之四

序

余宰萬溪之明年禮聘天彭賀太史儒楷先生纂修縣志告成  
余以涼德躬逢其盛誠幸會也先生道德文章爲吾蜀泰斗其  
間經過之繁複採輯之周詳與夫分門別類之縝密發凡起例  
之謹嚴備見於先生自序暨兩辰司令序中姑不贅述余之所  
欲言者蓋對於斯志之內容覺與此邦人心及吾身地位不能  
不有兩大感想感維何所謂滿意與缺憾是也攷之舊志人  
物一篇分忠節列女爲兩目而孝弟則賅括於人物志中非不  
詳且盡也先生更條分縷析別爲十九類於忠孝節義之事若  
有津津樂道而不置者嗟乎自改革以還怪怪奇奇無所不有  
家庭革命出自士林裸體遊行見於婦女部曲之犯上作亂朋  
友之爾詐我虞更屬目不暇接先生乃於倫常二字凡舉世唾



棄而不屑道者獨大書而特書之一篇之中三致意焉先生其  
有心人哉且夫人之所以異於禽獸者以其有倫常也而人蔑  
棄倫常則去禽獸幾希矣今幸萬源地處偏隅交通梗塞一切  
新潮尙未漫入故其風俗之醇樸猶有太古遺風得先生出而  
表彰之將見後之讀斯志者知其某也思某也孝某也節某也  
義由是而觀感焉由是而興起焉由是而則效同化焉人人爲  
倫常中人卽人人可爲縣志中人豈不懿歟余之所以引爲滿  
意者此也抑又聞之志者記也所以記已往之事實也已往之  
事實何必記記已往正所以詔將來也吾國文獻自國史以逮  
縣志向鮮覈實之記載而食貨一門尤覺膚浮非不欲覈實也  
蓋食貨志中無一非專門之學而又最切民生日用近代歷史  
家之治此學者必有賴於實地之調查詳細之報告然後編爲

精蘊之統計事至難也故讀其書如履其地元其說可程其功  
今萬源茶耳煤鐵最爲富饒然試問茶耳之生產量幾何煤鐵  
之蘊藏量幾何恐無有能答其確數者至於製造茶耳是否合  
法採取煤鐵如何改良更非研究所及將何以爲編製統計之  
資料乎夫高掌遠蹠隻眼獨具不爲曲說所囿者良史之才也  
周諮博訪旁蒐廣羅以備掌故而資採擇者有司之責也余到  
任日淺又鞅掌於簿書訟牘之間凡食貨門中所列諸大端均  
未暇從實清釐雖欲延聘專門名家爲實地之調查作詳細之  
報告以助賀先生於萬一而不可得其負吾民爲何如耶此則  
余之深抱缺憾者也雖然吾人對於斯志之感想尙有進於此  
者萬源自有明設縣以來握縣篆者何一而非縣志中人試繙  
閱職官小傳覺褻譏所在凜凜乎甚可畏也惟知其可畏而勉

附於循良之列則賢者卽我師而不肖者亦我借鑑非然者當前不留甘棠之愛事後難免直筆之書後之視今猶今視昔可不慎乎因斯志付梓在卽故略據夙昔本懷俾弁卷首非敢留告來者聊藉以自勵云爾

中華民國二十一年二月吉日簡陽劉子敬識於萬源官廳

# 太平縣志序

天下者郡縣之所積也。國史者郡縣方志之所積也。蓋自秦易侯國爲郡縣，後人又以國史之目事歷三朝，慎別嫌疑而方志之名以起一方。雖徵於西兵，禮樂之經於六部，隸於六典者無不基始於郡縣之六。故曰積郡縣而爲天下，積郡縣方志而爲國史，道固然也。古今無無史之朝，天下顧可有無志之州縣哉？太平之爲縣，齊矣。門戶於山東，襟帶乎秦楚之交，其山水秀靈，人物魁傑，固不待言。州縣至爲國被邊，則防禦爲重地，扼要則形勢爲急，尤不可不志。自宣漢得名以來，千數百年，卽有明設縣至今，亦幾四百年，而志乘缺如何哉？豈兼筆者果無其人耶？抑代遠年湮，兵火相尋，浸淫而歸於泯滅也？歲辛卯，余承乏斯邑，詢之邦人，知國初縣令程公溥首事編輯，而其書

不傳林公穀繼之又不得而傳者甘氏遜邑貢生馬氏諸稿率  
猥陋不足道惟嘉善閩陽縣志所纂號稱完善又不慎而  
燬于火亦不傳者乎作者之不幸一邑之不幸也已且天志者  
志也治之所從出也長吏有志於一方之治顧於民俗土宜因  
革損益未之深考而冀其敷政優優其何能得不揆庸昧志存  
編摩自士夫以逮童蒙走卒無不訪也自牘冊以逮私家記載  
無不搜也履勘赴鄉已集父老凡夫地里之遠近人才之盛衰  
物產之盈虛山川之向背以逮民間逸事無不口詢而手記之  
也出入兩載粗識端要又得邑庠生楚善抄稿數帙審其詞意  
似就李稿引而余嘉善生用心之良善也又喜李稿之亡而不  
盡亡也輒用自慰願其書多屢難成日勵志于三鄉輿地事實  
全未采及職官營田戶役封禁諸大端尤苦不備蓋李稿成於

嘉慶朝縣界視今不侔楚生又以寒儒操鉛槧其采訪檢校皆有未逮無怪也噫李稿賴楚生存十一於千百而疏略若此則未知程林二公之作視此又何如夫考遺訂墜俾後來得臻完善者有司之責也知其訛謬而不亟爲糾正厥咎實深余旣得楚生書益恣蒐討會奉臺檄取邑乘助修省志因盡發余平昔掌錄參以楚生舊帙根據通志區分條目與幕客海昌鍾君宜侯排比而類纂之其殘闕弗備者則具牘郡伯抄發成案而制沿革又重賴遊戎徐君詳稽文牘洎各鄰邑郵致成編得以參稽互證凡數閱月而書成爲篇十爲目三十有四而邑志之規模始於是乎略具矣夫以數百年之掌故求之於紀載荒略兵燹殘蝕之餘而纂而輯之者又僅出一二人之手詳審精覈曾何足云要以文獻無徵歷久彌甚今不爲之計將有並此而

docsriver 文川网  
入驻商家 古籍书城

在文川网搜索古籍书城 获取更多电子书

佚之者聘藉定編爲之嚆矢云爾若夫釐正體裁發明義例成  
專家之述作備國史之要刪則余也敬謝不敏願以俟後之官  
斯士者光緒十九年歲在癸巳陽月朔賜進士出身誥封朝議  
大夫知府銜在任候補直隸州知太平縣事監南畢節楊汝偕  
撰于太平官舍

天文志

星野

周禮保章氏以星土辨九州之地所分封域百有分星以觀妖  
祥漢唐以來言人人殊我朝璣衡精審數理周詳宮度釐然千  
古不易之規也謹遵大清一統志爲斷志星野  
輿地志

沿革



量地制邑昔人創置具有精心非洞悉古今興廢之由烏能因地制宜哉太平最爾邑宋元以前廢置不常書闕有閒其詳不可得聞茲就各史地志粗摘大凡而證以一統志考其設置亦當世得失之林也志沿革

### 疆域

三代以上各君其國各子其民疆界井然秦并天下廢封建置郡縣歷代因之不變非故分畛域也蓋必界限明而後民志定郊圻判而後職守專計四封之形勢以發號施令撫斯土者其謹體慎固封守之遺意歟志疆域

### 城垣

禮曰城郭溝池以爲固蓋定地居民非有深溝高壘不足以備不虞此重關禦暴易象所以有取於豫也雖介僻壤猶當懷勇